



Inatsisartunut ilaasortaq
Hans Aronsen, Inuit Ataqatigiit

§ 37 naapertorlugu apeqqummut nr. 219-imut akissut

15. november 2013
Suliap normua 2013-092311
All. Nr. 1392307

Asasara Hans Aronsen,

Postboks 1029
3900 Nuuk
Oqarasuaat (+299) 34 50 00
Allak.: +299 32 20 73
Email: iiknn@nanoq.gl
www.nanoq.gl

Naalakkersuisunut meeqqat atuarfiat pillugu apeqqutigisannut qujapput.

Apeqqut 1. *Inatsit pitsaasoq naleqquttumik aningaasalersorneqarpa?*

Akissut: Meeqqat atuarfiannut aningaasaliissutit kommuuninut ataatsimut tapiissutit pillugit ukiumoortumik isumaqatiginninniarnernut ilanngunneqartarput. Kommuunit namminneerlutik ataatsimoortumik tapiissutit aningaasallu meeqqat atuarfiisa ingerlanerannut immikkoortinneqartut qanoq atorneqarnissaat aqutaraat, soorlu qanoq ilinniar-titsineq, akunnernik atuineq, ilinniartitsisunik atuineq il.il. aqqissuutissanerlugit.

Apeqqut 2. *Tamakkiisumik atuutsinneqarpa?*

Akissut: Inerisaaviup meeqqat atuarfiannik 2010-mi Ilulissani novembarimi naliliinera-ni nalunaarusiaq innersuunneqarpoq.

Nalunaarusiaq Inerisaaviup nittartagaani uani takuneqarsinnaavoq:

<http://www.inerisaavik.gl/inerisaavik/midtvejsevaluering-af-folkeskoleforordningen-af-2002/endelig-rapport-2011/>

Naliliinermi pingaarnertut inerniliinerit ilaat ataaseq tassaavoq: "Peqqussut peqqussutinut siulliit atuuttunut sanilliullugu alloriarnerujussuartut amerlasuunit isigi-neqarpoq. Taamaattoq amerlaqisut peqqussut angusaqarfiulluurtussatut isiginiarpaat, taamaammallu atuarfinni tamani sulit tamakkiisumik atortinneqalersimanani. Minnerun-gitsumik atuarfinni mikinerusuni nunaqarfinnilu atuarfinni tunngavissanik eqqussiniar-neq kinguartoorfiusimagunarpoq".

Tamatuma kingorna kommuunini meeqqat atuarfii pillugit isumasioqatigiissitsinernik arlalinnik ingerlatsisoqarpoq, tamatumani meeqqat atuarfiat pillugu inatsiseqartitsinermi malinneqartussanik malinninnissaq pillugu kommuunit suliniuteqarfigisassaannik qinaasisoqarsimalluni. Nalunaarusiat kommuunit atuarfiit pillugit isumasioqatigiin-nerineersut Inerisaaviup nittartagaani aamma takuneqarsinnaapput.

Apeqquut 3. *Kommunini qanoq akuuffigineqartigaa?*

Akissut: Apeqquut 2-mut akissut takuuk.

Apeqquut 4. *Naalackersuinikkut inatsit tamakkiisumik malitsinneqarnera qanoq malinnaaffigineqartigaa?*

Akissut: Ilinniartitaanermut Naalackersuisoqarfiup kommuunit atuariisa ingerlanneqarnerat pillugu ukiumoortumik pinngitsooratik nalunaarutigisartagaat malinnaavigai, soorluttaaq ikaarsaariarnermi angusat aamma meeqqat atuarianni inaarutaasumik misilitsinnerni angusat meeqqat atuarianni ineriartorerup ingerlaavartumik naliliffiginerannut ilanngunneqartarlutik.

Ilinniartitaanerup pilersaarusionerqarneranut suliamut atatillugu Naalackersuisut novembarip naajartorerani meeqqat atuariannut soqutigisaqartunut arlalinnut isumasioqatigiissitsiniarput. Tamatuma saniatigut Ilinniartitaanermut Naalackersuisoqarfik Inerisaaviup atuariit pisortaannut taakkulu ingerlatsinermut pisortaannut kiisalu kommuunini tarnip pissusaanik perorsaanikkullu siunnersuisartuisa allaffiineersunut decembarip qiteqqutilernerani ataatsimiititsinermi peqataassaaq.

Kiisalu Ilinniartitaanermut Naalackersuisoqarfik KANUKOKA-mut aamma IMAK-imut isumaqatigiissuteqarsimavoq meeqqat atuariata kimulluunniit attuumassuteqanngitsumit misissuiffigeqqissaarnissaanut sinaakktissat pillugit. Meeqqat atuariata naliliffiginissaanut suliaq aallartinnikuvoq, 2014-imilu maajimi naammassineqarnissaa naatsorsuutigineqarluni.

Inussiarnersumik inuulluaqqusillunga
Med venlig hilsen



Nick Nielsen